

مشرط القميص

محل اداره :

در سعادتده باب عالی جوارنده

دايرة مخصوصه

اخطار :

مسلكمزه موافق آثار جديده مع المنوتيه
قبول اولنور

درج ايديته ن آثار اعاده اولنور

ديره، فلسفه، علوم، حقوق، ادبياتده و سياسياتده و باظاه كرك سياسي و كرك اجتماعي و مدني احوال و مشوره اسلاميه و در بحث ايدر و هفته ده بر نشر اولنور.

صاحب و مؤسسلي :

ابوالعلا زين العابدين - ح . اشرف اديب

آبونه بدلي

سنه لكي التي آيلني

عمالك عثمانيه ايچون	۶۵	۳۵	غروش
روسيه	۶۰۰	۳۰۰	روبله
سائر ممالك اجنبيه	۱۷	۹	فرائق

تاريخ تأسيسي

۱۰ تموز ۳۲۴

در سعادتده نسخه سي ۵۰ پاره در

قبرله دن مقوا بورو ايله كوندريليرسه سنوي

۲۰ غروش فضله آلنير

اسلامك احيا و تجدیدی دیدگدر . خلافت عالم اسلام ایچون بر قلب کبی در . شو قلبده نه ضربان ایدر سه عموم وجوده سریان ایده جکی اشکار و طبعی در ! ایسته بونک ایچوندر که دول مذکور دیالکز کنیدی اللرنده بولنان بلاد مسلمنه نك دك خلافت معظمه اسلامیه نك ده احیا و تجدیده ، کسب قوت و سطوت ایتمه سنه قطعاً روی رضا کوسترمز لر ! بوندن ماعدا : مذکور دولتر ایله خلافت معظمه اسلامیه اراسنده الیوم بیله بر چوق مسائل معالقه منازع فیها موجوددر ! مثلاً فرانسه ایله تونس و فیزان مسئله سی ، انگلتره ایله مصر و عربستان مسئله سی ، روسیه ایله اذربایجان مسئله سی ! دولت عثمانیه کسب قوت و سطوت ایدر سه بر کون اولوبده شو مسائلک موضوع مذاکره ای دیله جکئی حکومات مذکور شمیدن پک کوزل بیایور لر ! !

« مابعدی وار » احمد آقاییف

انگلتره ده بلقان قومیتیه سی

و

مسلك ماضی و مستقبل

موقع ملیتکزک قوتیله برابر مملکتکزک حریت و عدالت متفوقه سی ایله دخی اقتضار ایده بیلور سه کز عین قوته مالک اولمیان ملترک ، حریت و عدالتی بولمیان ویا بولنسه بیله سوء استعماله اوغرا دیلان مملکتلرک امور داخلیه سنه قاریشمقده نفسکزی حقلی کور رسکز . ایسته بوسبیلهدر که انگلتره ده پک چوق ذوات یا ضعیف و فقط متغلب ویا ملکی واداری فالقلره اغماضدن غیر مجتنب اولان مملکتلرک امور ملیه لرینه مداخله اجنبیه بی دعوت ایچون - انسانیت و مدنیت نامنه اوله رق - اوتهدن بری جمعیتلر تشکیل ایده ککش لر در . بیانه حاجت اولدینی اوزره بوجعیتلرک سرمایه فعالیتنی اکثریت اوزره مملکتلرک احوالی تشکیل ایده ککش ییدی . بر زمانلر عثمانلیلرک ضررینه اوله رق (الینوز) آمال توسیعه سی تسهیل ایچون یونانک استقلالته خادم اولمش بولدان شاعر مشهور (بایره ن) ک نامنه نسبتله (بایره ن جمعیتی) میدان فعالیتده بولنیوردی . کذلک قتل اراننه وقایع متأسفهنه مقدم دخی (آنگلو - ارمنیدان) نامیله بر جمعیت تشکیل ایتمش و نیجه سنه لر عین مقصد مداخله ایله اوغراشمشیدی .

ما کدونیا فترتلری علولندیکی صررده ایسه بر بلقان قومیتیه سی میدانه چیقمش و آره صره آسیای عثمانی ارمنیلرینه توجه کوسترمز کبی اولقله برابر اصل فعالیتنی بلقان حکومتلرک نفعنه و مالک عثمانیه نك علیه خدمت خصوصنده کوسترمشیدی .

بوقومیتنه نك ترکلرک دکل ، حکومت مستبده زائله نك دشمنی بولمش اولدیغنه دائر غزته لر مزک بر ایکیسندنه بعض ملاحظات یازلمش ایدی که بوملاحظه یا اثر ذهلدر ویا وطنمزرده یکی چیقمه بر نوع ریای سیاسینک تقبیحه مستحق اولان محصولاتندندر . وقیله بلقان قومیتیه نك افکار عامه بی تهییج و آوروپا دول قویه سی مداخله یه تشویق ایچون وقوع بولمش اولان تشبثاتنده کی حسیات صلیبه دن طولای ایدی که

اطرافنده تلاش واضطراب کوستردکاری جله اقوام و طوائف بزه نوعاً مربوط و مقیددر لر ! ! بمضیای بزه طوغرو و دن طوغری به مربوط اوله رق مستقیماً و بلاواسطه معاً و مادناً بزم تحت نفوذ مزده در لر . دیگرلری ایسه طولایسیله و بلاواسطه بزم معنوی نفوذ مزک تحت تأثیرنده در لر . بزه طوغرو اوز تیلان دندن احتراصی دفع ایچون قوای مادیه یه مالک دکاسه کده بونلره سپر اولاجاق و بونلری دفع ایده جک قوای معنویه یه بحمدالله مالکز ! ! وایله قوا که هیچ ربقه اسارته کیره جک و یا خود مرور اعصار ایله زوال پذیر اولاجاق دکلدر ! ! شوقوت ، اسلامیت بزه بخش ایتدیکی عنوان جلیل خلافت و تاریخ مزک آلتی یوز سنه دن بری عثمانلیلی نکه بان یکانه اسلامیت اتخاذ ایده رک ملی و اقوام مسلمنه اوزرینه بر حق معنوی یه مستحق ایتمه سی در ! !

ایسته شو قوتدن اولدقچ استفاده ایده لم ! اونی موازنه عالمک بر کفه سنه وضع ایده بیلمک اقتدارندن ملتزمی ، وطنزمی ، اسلامیتی ممکن مرتبه مستفید و بهره مند ایده لم ! اونوتیمسالم که یکدیگریله رقابت و دشمن جان درجه سنده ابراز خصومت ایدن ایکی هیئت معظمه اراسنده هانکیسی بز ترجیح ایدر ایسه ک آسیاده فتح و غلبه اونک طرفنده اوله جقدر . ایسته شو فتح و غلبه بی بر طرفه ویرمه دن اول کندیزمی و اسلامیتی دوشونه لم و بونلر ایچون اولدقچه منافع تأمین ایده لم ! لکن بویله بیوک و وطن و دین پرورانه بر تشبثی یایمق ایچون اول بول احتراصات شخصیه دن ، تمایلات ذاتیه دن مجرد ایتمه لیدر ! زیرا سیاسیاتده حسیات شخصیه یه میدان ویریلر سه قطعاً منافع مایه محافظه ای دیله مز ! سیاسیاتک یکانه معقول و مشروع اساسی همان فرانسزلرک دیدیکی کبی ایکی سوزدن عبارتدر . ویر ، ویره می ! !

ایسته شو قاعده بی بزه کندیزمه دستور اتخاذ ایدرک باقم ایکی هیئت معظمه اراسنده هانکیسی ترجیح ایتمه مز لازم کلیر ؟ اتفاق مثلثیمی ویا ائتلاف مثلثیمی ؟ ائتلاف مثلث اراکانی ایله عالم اسلام اراسنده الیوم موجود اولان علاقه و ارتباطی یوقاریده بیان ایتدک : بویاناتدن اشکاردر که ائتلاف مثلث عالم اسلامک احیا و تجدینه قطعاً روی رضا کوسترمه یه جکدر . زیرا شوراسی بر حقیقت در که بر ملت ویا قوم تیقظ و تجدد ایتدکجه و کندیسنی بیله کجه قطعاً باشقه سنک تحت تصرف و اسارتنده بولنغه راضی اولاماز ، و ارقوتی حریت و استقلالنی الیه ایتدکجه صرف ایده جک ، چالشه جق ! بوکون الحریه و الاستقلال ایتان من آیات الله ... « دیوب جانی وطن جانانه قربان ایدن وردانی کبی لر مصرده آز ایسه ده یارین بونلر کتله عظیمه تشکیل ایدرک غایه آمله طوغرو و یورویه جکدر ! عالم اسلامک کافه اقسامنده حال و اوضاع شو راده در لر ! ! بالطبع نه یوز میلیون تبعه مسلمنه یه مالک اولان انگلتره ، نه قرق میلیون اسلام تبمه سی اولان روسیه و نه ده افریقای شمالی اسلامیدی استیلا ایتمش اولان فرانسه بویله بر حاله ، بوکبی بر حرکتی روی رضا کوسترمه جکدر ! ! بونکله برابر بونلر بلاد مختلفه مسلمنه نك مرکز خلافتله اولان علاقه و مربوطیتلرینی پک کوزل بیایور لر . بونلر بیایور لر که خلافتک احیا و تجدیدی همان عموم عالم

انكلازہ نك بعض شهر لرزنده علنی پروتستو اجتماع لرزنده بر جریان مخالف و معترض وجوده كتميرمك اوزره یافته لر نشر ايتديرمش ايدم. دفعاتله تايمس ، مورنيغ پوست، استاندارد و سائر جرائد معروفه بوقوميتيه رديه يازمش ايدم كه جرائد مذكوره دن بونلك مقطوع صورتلرني كتاب شكندنه نشره فرصت بولورسه بوقوميتيه طرفندن مسلمان عثمانيلرك حكومت مستبده زائله دن هيچده تفريق ايدلمه مش اولديني وعداوتك استبداد قدر اسلاميت علمينده دخی وقوع بولمش ايدوكي تظاهر ايلر .

A Study in English Turcophobia یعنی انكلازده کی ترك دشمنلكی عنوانیه بوندن آلتی سنه اول يازوبده اوزمانکی لوندره جمعيت اسلاميه سنه اهدا ايلديكم وهندستانده مسلمانلر طرفندن اردو لسانه ترجمه سيلاه (هيئت تركي) اسمی آلتنده نشر اولديني كورديكيم اثر ك تحريرينه بنده كزی سوق ايدن شی بلقان قوميتيه سنك تركك و اسلاميت حقنده کی تشبثاتنده قاعده نصف و منطقك كيا خارجه چيقيسي ایدی . نه حاجت ، ينه بوقوميتيه نك بر قاچ سنه اوغراشهرق لوندره ده وجوده كتورمش اولديني (بلقان سرکيسي) نك بلغار ، صرب ، قره طاغ و سائر شعباتنده بوملككتلرك ترقیات صناعيه و تجاريه و مدنيه سائرسي حقنده منتظم دائرلر موجود اولديني حالده عثمانلی شعبه سي يالکيز بر دکاندن عبارت ایدی که بونك ده ایچی تركك و مسلمانلق علمينده الفاظ غلیظه و اتهامات کرهه ايله مملو يازلر ويا يازدیرمش اولان کتب و رسائل ايله کویا خرسیتیان و طنز داشلر من حقنده ارتکاب ايتديكمز جنایات و حشيه نك تصاویر مخيله سی حاوی ایدی .



شرع اسلامك ايلك وضع ايلديكي بر طرز حكومت اولان و سائقه جهل ايله عالم اسلام ايچنده نسيانیه اوغرايوب اهل سيفدن اخوان مسلمه مزك همتيله مملكتتمزده تأسس ايدن مشروطيت اوزرينه بالقان قوميتيه سي انكلازده موقعتی يك لزومسز بولغه باشلامش ایدی . انسانيت و مدنيه خدمت صنعتی هر زمانده فائده بخش اوله ماز . ايدمی طول امل صاحبي اولان قوميتيه مشروطيت در حال اتحاد و ترقی جمعیتی ايله عقد رابطه دوستی بی بر مسلک سياسي عد ايلش لر دی که دشمنلقدن دوستلغه قلب خصوصنده کوستریان بوسرعت حقیقتاً ترك محي اولان بعض ذوات کبی بنده كزی دخی اوزمان خيلى كولدیرمش ایدی . مع مافیه سياسياتده اطراد مدید و قوعنی انتظار خطالی بر ملاحظه بولنديندن بزده تبديل لسال ايله بلقان قوميتيه سنك اعلان مشروطيت عثمانیه حقنده کی جمله سی مع الشکران آلقیشلادق .



بوکون جرائد و محافل سياسيه ده بر تركك ، حقیقی بر مسلمانك عزت نفسی جریحه دار ایدمك آرا و افکار دوران ایدوب طور مقدمه در . بزده آله بیلديکنه بر بر مزی بوغمقله ، محاسنه و منافسه ايله ، بر بر مزه حقسنلانی ایتکله اوغراشه طور دم . اما ایللر اویقودد کلدلر . هر طرفدن اغراض شخصییه ايله اوغراشه قویولديغمز ، خطایای سياسيه و اداریه

ارتکاب ایلديكمز سويلنمکه باشلادی ؛ هر طرفده ما کدونیاده مهاجرین اسلاميه يرلشديرديكمز دن شکایتله بلغار آمالی ترویج اولنیور ؛ هر طرفده کرید و سیاه سیله یونانه « تجاوز » ایلک ایچون کنج ضابطلر مزك تهییج هوسه چالیشدقلری ادعای کاذبی اورتیه سوریلور ؛ هر طرفده جعلی بر بیطرفلق ايله آرنالودلره لسانمزی و حروفات عربیه پی قبول ایتدیرمك ایچون معاملات جبارانه ده بولنديغمز روایاتی اورتیه سوریلور ؛ آناتولی ارمنیلرینک ینه اولکی مهالك تعدی به دوچار اوله جقلری اختراع و اشاعه اولنیور . بو حاللری کورن و انفساس سياسیوننك تحولاتی استشمام ایدن بلقان قوميتيه سی کوزینی درت آجدی . بوقوميتيه تموز افرنجینک ۱۸ نجی بازار ايرتسی کونی وقوع بولان اجتماع سنویسنه بر چوق کیمسه لری دعوت ایلدی .

اجتماعده تنظیم اولنسان قرار نامه ظاهر بینان ایچون دوستانه کورینه جک بر صورت مبهوده ایسه ده معنای حقیقیسی آ کلامق اهل ادراک ایچون مشکل دکلدلر . مذاکراتنک تفصیلاتی ویرمك هم بر چوق صحیفه لر طولدیرمه محتاجدر ، هم حزن آوردلر . یالکيز بر سوزی نقل ایتک ایسترم که بوبابده بالخاصه رجا ايله کوندرديکم ذوات طرفندن ذکر ایلدی . اوده راسهل نام کیمسه طرفندن استانبولک تکرار خرسیتیان مرکز سلطنتی اولسی حقنده سرد ایدیلن تمی در که قائل حاضر و ندن هیچ بریسی طرفندن « صوص » ديه آداب محادنت سياسيه به رعایته دعوت اولنماشدر !

غزته لردن برندن کسوب بوراده لفاً تقدیم ایلديکم وره ده اجتماعه ریاست ایدن مسترنوئل با کستونک شو سوزلری شایان دقتدر ظن ایدرم : « قوميتيه نك تعدياته دوچار اولان ملتاری آرتق بر اقدینی حقنده کی سوز خلاف حقیقتدر . قوميتيه هانکی ملت حقنده اولورسه اولسون تعديات وقوعنه مخالفدر . تعدياته دوچار اوللر — مذهبلرندن طولای — یالکيز خرسیتیان اقوام ایدی ، بو اقوام بوندن صوکره ینه تعدياته دوچار اولورسه قوميتيه تعدی ایدنلرک غیر قابل تألیف بردشمنی اوله رق قاله جقدر . سوء اداره حالا دوام ایدیور . وخلق وکلای حاضره عثمانیه دن خشنود دکلدلر دینيله بیلور . مع مافیه قوميتيه مزك موجودیتنه وسیله ویرن شی ظلمدی بونك عدم وقوعنی تجربه اوزرینه آ کلا دقدن صوکره قوميتيه نك « ژون تورک » - لرده اعتمادی بولنور . مع هذا بو خصوصه اک زیاده صاحب رأی اولنلردن آلان توصیه لره نظر آ قوميتيه نك فعالیت کامله حالنده بولنمی قضیاً مطلوبدر . قوميتيه نك دوامنی ایلک توصیه ایدنلر « ژون تورک » لر ایدی . بناء علی ذلک قوميتيه مترصد ومدقق بر حالده دوام ایله جقدر ویک چوق یابه حق ایشلری بولنه جقدر . قوميتيه یکی ترکیه حقنده کریمت دوستانه بسیلر ؛ مع مافیه اصلاحات وجوده کتوريله من ایسه آ کا تکرار هجوم ایچون حاضردر . »



بلقان قوميتيه سی طرفندن بواجتماع عمومی ده توزیع ایدیلن لایحه سنویته نك بر صورت مطبوعه سی اجتماعه رجاى عاجزانهم اوزرینه

کیدن دوستلرم طرفندن کتورلدی . قومیتہ ہیئت اجرائیہ سنک آلتنجی رابوری تسمیہ اولنانوسنہ حاضرہیہ تخصیص ایدیان بولایحہ مطبوعہنک ممکن اولسده ترجمہ کاملہسنی اجرا ایدوب سزہ کوندرہ بیلسہم ! بورادہ یالکز نظر دقت احوالی جلب ایٹک ایستدیکم فقرہ سکزنجی وطقوزنجی صحیفہلردہ محرردر . شویله کہ :

« قومیتہ عریجہ حرفلرک آرناوورلر طرفندن قبولنہ اجبار ایدلہسسی ایچون (ژون تورک) لرک تمامیلہ چالیشہجنی حقندہکی اعتقادندہ قویدر . بوژون توزک رؤساسنک هرملت تابعہ افرادندن مرکب براوردویہ مالک اولمق وبوماتلردن یالکز افراد دکل ضابط دخی بولندیرمق حقندہکی نیتلری قوی اولمقدہ بردوامدر . بونلر بر ترک وطن پرورلکی وبونکلہ برابر هرملت افرادینسک حریت وجدانیہ ومساوات کاملہ مذهبیه مالک اولسنی ایستیورلر . بومالار هر طرفدن مخالفت کوریور . حقیقی ترک اصلاحاتپرورانی ایله آنلرک مغلوبیتنہ چالیشان ترک تفوق ملیسی طرفدارلری آرسندہکی مجادلہنک علامتی هر طرفدہ مشاہدہ اولمقدہدر . بوتفوق ملی متعصبیلری اجتماعات نظامنامہسنک دردنجی مادہسنی دهاشمیدین میدانہ کتوردیلر کہ بومادہ موجبنہ ملل سائریمہ عائد برچوق قلوبلر سدا لدی ؛ کذلک مدافعہ وکیلی بولمقسزین محاکمہ خفیہ ایله حکم ایدن اشقییا نظامنامہسنی دہ وجودہ کتوردیلر ؛ وکذلک آرناوورلقدہ لسان منازعہسنہ میدان ویردیلر . اصلاحاتپروران شکندہ کورینن بعض اتحاد اسلام طرفدارلری دخی واردر کہ عثمانلی طوپراغندہ بوتنان بوتون ملتارہ کنیدیلری کبی خرقة مجنونیت کیدیرمک ایستیورلر وایراندہ ، مرا کشدہ وسائر یرلردہ فعالیت فنوحاطدہ بولمق تصور متعظمانہسنہ طوطلشیر . اکر بونلر قوت کسب ایدرلرسہ ممالک عثمانیہنک تخریبنہ سبب اولہ جقلری قومیتہنک اعتقادندندر . »

غرضکاراق انسانہ بعضاً بویله ہزیان دخی سویلتدیررہ . مرا کشہ خدمت عسکریہ اجراسی املیلہ کیدوبدہ بردولتک طلبی اوزرینہ اورادہکی مسلمان اردوسنی مدافعہ مملکتہ قادر برحالہ صوققدن منع اولنان برقاچ عثمانلی ضابطنک تشبہی مرا کشدہ فتوحات اجرا ایٹک ایستدیکمز یولندہ تفسیر ایدیلمور ! بعض کرد عشائرینک رابط تجاوزی قصدیلہ ایرانک اورمیہ جہتلرینہ طوغری برقاچ میل حدودی ایلریش اولان عساکر مرکز ایران طوپراغنی استیلا ایٹکدہ اولدینی حقندہ پترسبورغدن آورہ یا غزتلرینہ چکلمکدہ اولان ہیجانلی تاغرافنامہلرہ اعتماد اولنیورده ایراندہ دخی فتوحات اولندہ بولندینمز ادعا ایدیلمور ! حال بوکہ مناسبات عظیمہ ملیہ دینیہ وتجاریہ دہ بولندینمز ایران حقندہکی اجنبی تجاوزاتندہ قیدسز بولمقنمکز خارجہ نظرآتمز دہکی روسیہ نفوذندن ایلری کلدیکی حقندہ ممالک عثمانیہنک خارجندہکی مطبوعات اسلامیہ شکایات یاغدیروب طورمقدمہدر .

هیچ شہہم یوق کہ بالادہ سویلدیکم سوزلر بلقان قومیتہسنک نظر دقتنہ عرض ایدیله جکدر . بویولده براتشبتک ترکیادہ مقیم برغیر مسلم

طرفندن وقوعنہ قطعاً تعجب اولنہماز . فقط هر کسدن اول بونی اخبار ایدہ جکلرک دولتمز نامنہ بورادہ رسماً بولنانلر ومسلمان اسمی طاشیانلر آرسندہ ظہور ایدہ جکلندن امینم . نتہ کیم آثار منتشرہ عاجزانہ مدن برندہ « تعصب اسلامی » اویاندریر یولده انکلتزہ علمیندہ « تقوہاتدہ » بولندینم . کچندہ اقتضا ایدن محاملرہ اخبار ایدمش ایدی . مخبرین خانئہنک جہاننہ باقیکز کہ اواری دها اول انکلتزجہ یازوب نشر ایلدیکمدن بیله خبردار دکلوردی ! انکلتزہ دہ حریت تانہ کلامیہ دکل ، شتم وافترانک موجب توبیخ اولدینغی بردورلوارک ایدہ مہ شلردی . انکلتزہنک دکل یالکز عالم عثمانیت ایله حتی بوتون عالم اسلامیت ایله موافقت افکار اوزرہ مناسباتدہ بولمسنی جملہ من آرزو ایدرز . بالادہ مذکور عوامل مزعجہ مثللو مانعہلرہ رغماً بونک امکانہ قائلم . یالکز بزم ایچون نظر دقتہ آلتہجق بعض نقطہلردہ واردر :

بر ہیئت اجتماعیہنک دیگر ہیأت اجتماعیہی کنیدیسنہ مقارن کورہ بیلمسی برطاقم اوصاف جاذبہ دارہ مالک اولسنہ متوققدر . کذلک بردولتک دیگر بردوات معظمہنی دائرہ مصافدہ کنیدیسنہ اک یقین کورہ بیلمسی صحنہ بین الامدہ وقار وقدرت ، انتظام وجدیت اوزرہ کورنمسی ایله حصول بولور .

لوندہ خلیل خالد

اتحاد اسلام

(العرب) بر جریدہ اسلامیہ در . بونی سرلوحہ سنندہ یازمشدر . بر جریدہ اسلامیہنک مسلمانلرک فیض وسعادتنن بشقہ مقصدی اولہماز . (العرب) کدہ بوندن بشقہ مقصدی یوقدر .

اسلام نائل فیض وسعادت اولمق ایچون مسلمانلر چالیشملی ، یالکز چالیشملی نہیہ چالیشملی ؟ سؤالنہ هر شیئہ چالیشملی دن بشقہ جواب یوقدر . تفرقہ یہ چالیشانلرک مساعیسی بزم دیدیکمز هر شیدہ داخل اولہماز . چونکہ بزا اسلامک فیض وسعادتنن بحت ایدیوروز . تفرقہ دہ فیض وسعادت اولہماز . او حالہ تفرقہ یہ چالیشمق اسلام ایچون مساعی جملہ سنندن دکلدر . مسلمانلر چالیشملی . چونکہ بتون انسانلر چالیشیور . قافلہ انسانیت مسلمانلری کریدہ براقدی ، کیتدی . اسلامک بولندینی مرحلہ پر خطرذر . بومخاطره لی مرحلہ لری کچمک ایچون بتون مسلمانلر هر کسدن زیادہ چالیشملی . حیات حرکتندر . حرکت چالیشمق ، ایلری کیتمک ، میدان مسابقہ ومجاهدہ دہ بیوک آدیلمر آتمق ، آتلامقدر . پائینہ دامن دولاشمامق ایچون آتیله جق آدیلمری برقاعدہ سالمہ یہ توفیق ایٹک ایجاب ایدر .

مسلمانلر کیرہ جکلری طریق سنی واجتہادہ دوجار موانع اولمامق اعداسنک ایقاع ایدہ جکی مشکلاتی چیکنہ یوب کچہ بیلمک ایچون قوتلی بولملی مقتضیدر . اسلامک اعداسی چوقدر . بودشمنلر معنی ماده مسلمانلردن چوق قوتلیدر . مسلمانلری تدلیلہ آلیشمشیر . مسلمانلرک انتباه وترقیسی کنیدیلرینہ مضر اولہ جفنہ حکم ایتمشیر . او دشمنلر بو حکملرندہ حقسزدرلر . حکملری باطل . فقط حرص وطمع ، غرور وتعصب کوزلرینی بورومش . حقیقی کورمک ، حتی تسلیم ایٹک ایستیورلر . دوشونمیورلر کہ اسلام ظہور ندنبری انسانیتہ خدمت ایتمش . مدنیت اسلامدن معنی ماده هر زمان استفادہ ایلش . بوندن بویلده استفادہ ایدہ جک . عالم مدنیت بوکون بر انقلاب کبیر اجتماعینک عرفہ سنندہ بولنیور . مخاطره یی کوردیکی حالہ دفع صائلہ چارہ بولہ میور .

حالبوکہ بومشکلات اجتماعیہنک ہپسنہ چارہ ساز اولہ بیلہ جک ، دنیا یہ صلح وسلم دائمی بخش ایدہ بیلہ جک انجق اسلامندر . بوقناعت وجدانیہ ایدی کہ ایٹک عدد دہ کی مقالہ افتتاحیہ دہ بکا شو سوزلری سویلتمشیدی :